

Kadhannaa Halkanii

Tajaajila kadhannaa halkan guutuu qabaachuu akka kutaa kadhannaa guyyaa kudhaniitti ilaali. Fakkeenyaaf, galgala sa'a 12: 00 P.M. tti eegaltee ganama sa'aa 12 A.M.tti fixuu ni dandeessa. Yeroo garee keetiif mijaata ta'e filadhu.

Maliif Halkan Kadhannaa?

Dammaqinaan turu fi halkan guutuu kadhachuu keessa “qulqulummaan” tokko iyyuu hin jiru. Haa ta'u malee, halkanii yeroo namoonni itti hin ko'oommanne ykn hin ariifanne dha. Kana jechuun kaayyoon keessan halkan guutuu taa'aa buluu akka hin taane garu hamma barbaadame hamma wanta kadhachuu barbaadaniif sana hunda kadhattanii raawwachuun keessan isinitti dhaga'amee raawwatutti akka ta'etti amanna.

Halkan sana namoonni hedduun ka'anii akka geggeessaniif isin gorsina. Boqonnaa muraasa qabaachuu keessan immoo mirkaneeffadhaa. Akka geggeessaatti, yeroo attamii boqochuuf akka ta'u yeroo attamii immoo kutaa kadhannaa isa lamattaa tti akka darbamu tilmaami. Yeroo kadhannichaa heertuu macaafa qulqulluu dubbisuudhaan deggersiisi. Yaada kadhannaa kanaaf inta'a jedhamanii ka'aman hunda ykn muraasa isaanii fedhii garee keetii irratti hundoofta raawwachuu ni dandeessa. Tartiiba isaa yoo jijjiirte homaa rakkoon hin jiru.

Unka Kadhannaa Halkaniif Barbaachisu.

Wayita galateeffannaatiin jalqabaa. Waaqayyoon karaa kadhataa fi faarsaa galateeffadhu.

Namoonni cubbuu isaanii akka himataniif yeroo muraasa kenni. Waaqayyo akka sin dhaggeeffanneef kan dhorku waan tokko illee akka hin jiraanne dursii mirkaneeffadhu. Namoonni cubbuu dhuunfaatti godhan dhuunfaadhumatti dhoksaadhaan akka himata, cubbuu immoo mullinatti hojjetan mullinatti akka isaan himataniif jajjabeessi. Daniel 9:1-19 keessatti Dani'eel utuu inni cubbuu saba sanaaf ifaatti waaqayyoon araara kadhatuu argina.

Fedhii namoota iddoo kadhannaatti argaman sanaaf kadhada.

Namoonni baayyeen kaan isaanii yeroo kadhannichaa ni miidhu warri kaan immoo yerotti sana guddaa inbarbaadu, ykn nama kadhannaa addaa barbaadu nama kan biraa ni beeku. Giingoo hojjedhaatii, teessuma gidduu dhaabbadhuutii warra kadhata addaa barbaadan tokko tokkoon waamii gaaffii isaaniif isaanii wajjin mar'yadhu. Naanna'aa namicha wal itti qabamaatii gaaffi kadhannaa namichaa irratti kakuu waaqayyo isaaf qabu gaafadhaa.

Garee sana bakka lamatti gargar qoodi. Dubartoonni kutaa tokkotti akka kadhaniif godhi (ooggansa dubartootaatiin) warra dhiiraa daree isa kan biraa keessatti (ooggansa warra dhiiraatiin) ha geggeeffamu. Fedhiin nama dhunfaa irratti mari'atamuu(waliif qoodamuu) hin danda'u, ta'uus hin qabu. Kan qoodamuuf salphatu yoo saalaan tokko ta'anii dha.

Ergaa waliitti deebitanii booda, **fedhii hawwaasa keessaa fi waldaa keessaf kadhada. Gaaffii kadhannaa waldaa addunyaatiifis** yeroo fudhadhaa (kitaaba kadhannaa guyyaa kudhanii sanada kan biraa irratti galmaa'ee jira) guutummaa tarreeffama sana keessa ariitiidhaan deemuun akka isin irra jirutti isinitti hin dhaga'amin. Garee xixiqqaatti gar gari hiramudhaan, tokkoon tokkoon garee Sanaa tarreeffama sana keessaatti kan caqafaman yaadoota addaa addaa irratti hakadhatan.

Tarreeffama maqaa namoota shanii ykn torbaa yeroo kadhannaa guyyoota kudhanii akka kadhattuufiif harka kee keessa jiruuf kadhada.

Kutaa macaafa qulqulluu keessaa fo'adhuutti ittiin kadhada.

Yeroo galataa fi hooqubaa addaatiin wayita kadhannichaa cufaa.